

Merr kimmt außem Staune nit eraus

Omm letzde Sunndaach sinn merr e bissi spaziern gonge, de Schorsch unn ich unn unser Fraue. Wie dess so iss gieh'n die immer vorneweg unn mir dappe hinnenooch, unn wies so iss unnerhalle sich die Mädcher immer iwver Kronkheite unn die Enkel unn mir iwver gonz wichdische Sache.

Sächt uff oomol de Schorsch: Merr konns nit glaawe. Habb ich merr doch vor Weihnachte so e Kamera ohne Film kaaft, so e digitale. Bis doohie habb ich noch Farbfilme kaaft, habb fotografiert, habb dann de Film zum Fabi gebrocht unn nooch e paar Daach habb ich moi Bilder abholle kenne. Bis doohie wusst ich nit obse was worrn sinn. Jetz iss in der Kamera so enn Chip, der iss so groß wie de Fingernaachel von moim Daume, unn uff den Fingernaachel basse mehr als dausend Bilder druff, die ich merr aach gleich oogucke kann. Unn wenn ich e paar Bilder gemacht habb gebb ich den Chip oom von moine Enkel, der steckt dess Sticksche Kunststoff in soin Computer unn e Verrdelstunn später hotter merr schunn zwonzisch odder mehr farbische Bilder ausgedruckt unn die sinn noch nit emol schlecht. Iss dess nit doll?

Ja, saach ich, merr kimmt heitzedaach außem Staune nit eraus. Habb ich doch die Woch gelese, dass so e paar deutsche Firme in dene arabische Wüste e Sonnekraftwerk baue wolle, also mett so Solarzelle, wie merr die gut sehe kann wenn merr de Bersch enuff nooch Wicker gefahr'n iss, dort vor de Ompel stieht unn uff dess Scheierdach uff de onner Seit druffguckt, no ja nit gonz su wie dort awwer so ähnlich. Unn von de Wüste aus wolle die dann den Strom iwver große Kabel mitte dorchs Mittelmeer bis nooch Münche unn Hamburch schicke. Doll, odder?

Ja, moont de Schorsch, merr kimmt außem Staune nit eraus. Mensch Honnes, dess iss doch gut ferr de Opel unn dene ihr Elektro-Audo was die baue wolle, Ampere soll dess haaße unn schunn in zwaa Jahr uff de Markt kumme. Dess fährt elektrisch, hott awwer noch enn kloone Benzinmotor, der dann, wenn die Batterie leer werdd, die uflade dut. Doo brauche mir nor noch gonz selten onn die Tonkstell unn dess deierne Benzin kaafe, weil mir kenne nachts in de Garasch dess Audo onn die Steckdos hänge unn omm nächsde Daach widder fahr'n. Unn de Strom, der aus de Steckdos kimmt, den hott die Sunn in de Wüste gonz ohne Dreck gemacht. Iss doch doll, odder?

Ja, saach ich, merr kimmt außem Staune nit eraus. Awwer hoffentlich iwverlebt de Opel unn kann noch die Dinger baue, weil dess wär gut ferr eier Betriebsrente.

Och, sächt de Schorsch, dess denk ich doch. Nor vor oom habb ich e bissi Ängst.

No, saach ich, iss doch alles bestens. Vor was hosde dann Ängst?

Ei, sächt de Schorsch, weeche de Sunn, die gibt joo aach irchendwonn emol ihrn Geist uff unn was werdd dann mettem Strom?

Ich saach: Schorsch, dess bassiert doch erst in fünf Milljarde John.

Gott sei Donk, sächt de Schorsch, unn ich habb Ängst gehabt dass dess schunn in fünf Millione John bassiern det.

Ich habb gegrinst unn saach: Naa, erst in fünf Millarde John. Awwer was iss heit schunn e Milljard!

Doo hott aach de Schorsch gegrinst. So long fließt de Strom unn so long kann de Opel de Ampere baue unn so long gibts Betriebsrente?

Ja, saach ich, doo kimmt merr doch werklich außem Staune nit eraus. Odder?

Eiern Honnes.